

SAMOA

Faatulagaina o Aiaiga

- | | |
|---------------------------------|------------------------|
| 1. Igoa puupuu ma le
amataga | 3. Ofisa Sili o Pulega |
| 2. Faamatalaina o uiga o upu | 4. Aloaia o gaoioiga |

2010, Nu. 31

**O SE TULAFONO e teuteu ai le Tulafono o le Faatulagaina
o Tofi Faaminisita ma Matagaluega 2003.**

[9 Tesema 2010]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o le Faatulagaina o Tofi Faaminisita ma Matagaluega 2010.

(2) O lenei Tulafono e amata faamamaluina i le aso e tuuina i ai le maliega a Le Ao o le Malo.

2. Faamatalaina o uiga o upu - I totonu o lenei Tulafono: “Ofisa Sili o Pulega” o lona uiga o le Ofisa Sili o Pulega o le Matagaluega o le Soifua Maloloina;

“Tulafono autu” o lona uiga o le Tulafono o le Faatulagaina o Tofi Faaminisita ma Matagaluega 2003.

3. Ofisa Sili o Pulega - Ua teuteuina le Tulafono autu i le faaofiina i le maea ai o le fuaiupu 5(3)(c) e faapea:

“(d) E mafai foi ona taua le Ofisa Sili o Pulega o le Matagaluega e fitoitonu i le Soifua Maloloina (po o le a lava le igoa ua taua ai le Matagaluega) o le Faatonu Sili Aoao o le Soifua Maloloina.”.

4. Aloaia o gaoioiga - O pule faataga ma malosiaga uma ua faatino ma galuega uma sa tauaveina mai le amata faamamaluina o le Tulafono autu e po o le avea ai ma sui o le Faatonu Sili Aoao o le Soifua Maloloina i lalo o le igoa o le tofiga o le Ofisa Sili o Pulega, e tatau ona faasaoina ma avea e faapea mo faamoemoega uma na faatinoina ma tauaveina faaletulafono e faapei ai na faatino ma tauaveina e le Faatonu Sili Aoao o le Soifua Maloloina.

**O le Tulafono o Teuteuga o le Tulafono o le Faatulagaina
o Tofi Faaminisita ma Matagaluega 2010 o lo o faafoeina
e le Matagaluega a le Palemia.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**